


山東通志

卷十一

內閣文庫	
番號	漢 3969
冊數	692 (287)
函號	291 97

內閣文庫			
架	冊	號	類
三九二	一	三九六九	漢書
二	一	二	
(七八二本)			



山東通志卷之十

巡狩志下

附封禪

歷代封禪

夏按山海經禹曰天地之東西二萬八千里南北二萬六千

里出水之山者八千里受水者八千里出銅之山四百六十

七出鐵之山三千六百九十此天地之所分壤樹穀也戈矛

之所發也刀鍛之所起也能者有餘拙者不足封於泰山禪

於梁父七十二家得失之數皆在此內是謂國用

此紀封禪之始管子

地數篇亦載此語刀鍛作刀幣

周漢書郊祀志云齊桓公既霸會諸侯於葵邱而欲封禪管

淺草文庫

仲曰古者封泰山禪梁父者七十二家夷吾所記者十有二焉昔無懷氏封泰山禪云云處義氏封泰山禪云云神農氏封泰山禪云云炎帝封泰山禪云云黃帝封泰山禪云云顓頊封泰山禪云云帝嚳封泰山禪云云堯封泰山禪云云舜封泰山禪云云禹封泰山禪會稽湯封泰山禪云云周成王封泰山禪於社首皆受命然後得封禪桓公曰寡人北伐山戎過孤竹西伐東馬縣車上卑耳之山南伐至召陵登熊耳山以望江漢兵車之會三乘車之會六九合諸侯一匡天下諸侯莫違我昔三代受命亦何以異乎於是管仲賂桓公不可窮以辭因設之以事曰古之封禪鄙上黍北里禾所以為

盛江淮間一茅三脊所以為藉也東海致比目之魚西海致比翼之鳥然後物有不召而自致者十有五焉今鳳凰麒麟不至嘉禾不生而蓬蒿藜莠茂鴟梟羣翔而欲封禪無乃不可乎桓公乃止

按史記封禪書西伐大夏涉流沙漢書節去五字又管子雜篇有封禪第五十原篇不存班固白虎通曰王者易姓受命而起必升封泰山何教告之義也始受命之時改制應天天下太平功成封禪以告太平也所以必於泰山何萬物所交代之處必於其上何因高告高順其類也故升封者增高也下禪梁甫之山基廣厚也刻石紀號者著已之功績以自效也天以高為尊地以厚為德故增泰山之高以報天附梁甫之趾以報地明天地之所命功成事遂有益於天地若高者加厚厚者知厚矣或曰封者金泥銀繩或曰石泥金繩封以印璽故孔子曰升泰山觀易姓之王可得而數者七十有餘封者廣也言禪者明以成功相傳也於梁甫何以三皇禪釋釋之山明已成功而告有德者居之釋釋者無窮之意也五帝禪於亭亭者量度審謔德著明也三皇禪於梁甫之山者梁信也甫輔也輔天地之道

而行之也太平乃封告於天必也於岱宗何明告易姓刻石紀號告自紀於百王也燎祭天報之義也詩云於皇時周陟其高山言周太平封泰山也

秦始皇帝三年東巡狩郡縣祠騶嶧山頌功業於是從齊魯之儒生博士七十人至於泰山下諸儒或議曰古者封禪爲蒲車惡傷山之草石土木掃地而祠席用苴稽言其易遵也始皇聞此議各乖異難施用由此黜儒生而遂除車道上自泰山陽至顛立石頌德明其得封也從陰道下禪於梁父其禮頗采秦祝之祀雍上帝所用而封藏皆秘之世不得而記也始皇之上泰山中阪遇暴風雨休於大樹下諸儒旣黜不得與封禪聞始皇遇風雨卽譏之於是始皇遂東游海上行

禮祠名山川及八神來仙人羨門之屬始皇封禪之後十二

年而秦亡諸儒生疾之皆說曰始皇上泰山爲風雨所擊不

得封禪云

服虔曰封增土之高歸功於天禪闢廣土地也張晏曰天高不可及於泰山封禪而祭冀近神靈也

瓚曰積土爲封謂負土於泰山上爲壇而祭之除地爲壇祭於梁父後改壇爲禪神之矣祭尙元酒而俎魚俎皆廣長十二丈壇高三尺堦三等而樹石泰山之上高二丈一尺廣三尺席用菹稽說文菹茅藉也稽禾藁也去其皮以爲席周禮祭祀供茅菹司馬遷曰自古受命帝王曷嘗不封禪蓋有無其應而用事者矣未有覩符瑞見而不臻於泰山者也孔子論述六藝傳略言易姓而王封泰山禪乎梁父者七十餘王矣其俎豆之禮不章蓋難言之始皇上泰山中阪遇暴風雨休於大樹諸儒譏之此豈所謂無其應而用事者耶

李斯篆刻石文

事天以禮立身以義事父以孝成人以仁四海之內莫不郡

縣四夷八蠻咸來貢職人庶蕃息天祿永得皇帝臨位作制明法臣下修飭二十有六年初并天下罔不賓服親巡遠方黎民登茲泰山周覽東極從臣思迹本原事業祇誦功德治道運行諸產得宣皆有法式大義休明垂於後世順承勿革皇帝躬聖既平天下不懈於治夙興夜寐建設長利專隆教誨訓經宣達遠近畢理咸承聖志貴賤分明男女禮順慎遵職事昭格內外靡不清淨施於後嗣化及無窮遵奉遺詔永承重戒

按事天以禮十句乃始皇封岱所刻自皇帝臨位以下則二世東巡刻始皇所立石以表先世功德之詞范氏曰古者天子巡狩至於方嶽必告祭柴望所以尊天而懷柔百神也後世學禮者失其傳而諸儒之諛諛者為說以希世主謂之封禪實自秦始古無有也人主不法三代而法秦亦已謬矣

漢文帝十六年夏四月上郊祀渭陽五帝廟使博士諸生刺

六經中作王制議巡狩封禪

武皇帝元鼎四年汾陰得大鼎迎至甘泉薦之郊廟羣臣皆賀自得寶鼎上與公卿諸生議封禪封禪用希曠絕莫知其儀體而群儒采封禪尚書周官王制之望祀射牛事齊人丁公年九十餘曰封禪者古不死之名秦皇帝不得上封陛下必欲上稍上即無風雨遂上封矣上於是廼令諸儒習射牛草封禪儀數年至具行天子既聞公孫卿及方士之言黃帝以上封禪皆致怪物與神通欲放黃帝以接神人蓬萊高世比德於九皇而頗采儒術以文之羣儒既已不能辯明封禪

事又拘於詩書古文而不敢騁於是上書罷諸儒弗用

武帝議封

禪諸儒對者五十餘人未能有所定先是司馬相如病死有遺書頌功德言符瑞足以封泰山上嘉其書以問倪寬寬對曰陛下躬發聖德統攝羣元宗祀天地薦禮百神精神所嚮徵兆必報天地並應符瑞昭明其封泰山禪梁父昭姓考瑞帝王之盛節也然享薦之儀不著於經以為封禪告成合祚於天地神祇戒精專以接神明總百官之職各稱事宜而為之節文惟聖主所由制定其當非群臣之所能列今將舉大事優游數年使群臣得人自盡終莫能成惟天子建中和之極兼總條貫金聲而玉振之以順成天慶垂萬世之基上然之

元封元年春三月東幸緱氏禮登中嶽太室從官在山上聞有言萬歲云

本記吏卒咸聞呼萬歲者

三 因東上泰山泰山草木未生迺令人上石立之泰山顛上

遂東巡海上行禮祠八神四月還至奉高上念諸儒及方士

言封禪人人殊不經難施行天子至梁父禮祠地主至乙卯

令侍中儒者皮弁縉紳射牛行事封泰山下東方如郊祠泰

一之禮封廣丈二尺高九尺其下則有玉牒書書秘禮畢天

子獨與侍中奉車子侯上泰山

子侯霍去病子也

亦有封其事禁明

日下陰道丙辰禪泰山下阯東北肅然山如祭后土禮天子

皆親拜見衣上黃而盡用樂焉江淮間一茅三脊為神藉五

色土益雜封縱遠方奇獸飛禽及白雉諸物頗以加祠兕牛

象犀之屬不用皆至泰山然後去封禪祠其夜若有光晝有

白雲出封中天子從禪還坐明堂

周之明堂

羣臣更上壽詔曰朕

以眇躬身承至尊兢兢焉惟德菲薄不明於禮樂故用事八

神遭天地貺施著見景象屑然如有聞震於恠物欲止不敢

上祠入神時公孫卿持節常先行候名山至東萊言夜見大人長數丈就之則不見見其迹甚大類禽獸云羣臣有言見一老父牽狗言吾欲

見鉅公已忽不見遂登泰山至於梁父然後升禮肅然山名在梁父自新嘉與士大夫更始其以十月為元封元年行所見前

巡至博奉高蛇邱歷城梁父民田租逋賦貸已除加年七十

以上孤寡帛人二匹四縣無出今年算奉高一縣素以賜天

下民爵一級女子百戶牛酒又曰古者天子五載一巡狩用

事泰山諸侯有朝宿地其令諸侯各治邸泰山下行自泰山

復東巡海上帝欲自浮蓬萊求神仙羣臣諫莫能止東方朔

曰夫仙者得之自然不必踈求若其有道不憂不得若其無道雖至蓬萊見仙人亦無益也臣願陛下第還

宮靜處以須之仙人將自至上乃還是時奉車子侯暴病一日死至碣石自遼西歷北邊九原歸於甘泉二年夏旱公孫卿

曰黃帝時封則天旱乾封三年上廼下詔天旱意乾封乎其

令天下尊祠靈星焉秋作明堂於泰山下初天子封泰山泰

山東北陟古時有明堂處處險不敞上欲治明堂奉高旁未

曉其制度濟南人公玉帶上黃帝明堂圖明堂中有一殿四

面無壁以茅蓋通水水圜宮垣為複道上有樓從西南入名

曰崑崙天子從之入以拜祀上帝焉於是上令奉高作明堂

汶上如帶圖五年冬帝南巡江漢遂北至琅琊並海所過禮

祠其各山大川春三月還至泰山增封甲子祠泰一五帝於

明堂上望合高皇帝祠坐對之祠后土於下房以二十太牢

天子從崑崙道入始拜明堂如郊禮畢燎堂下而上又上泰

山自有秘祠其巔而泰山下祠五帝各如其方黃帝并赤帝
所有司侍祠焉山上舉火下悉應之因朝諸侯王列侯受郡
國計夏四月詔曰朕巡荆揚輯江淮物會大海氣以合泰山
上天見象增修封禪其赦天下所幸縣毋出今年租賦賜鰥
寡孤獨帛貧窮者粟太初元年冬十月帝幸泰山以十一月
甲子朔旦冬至日祀上帝於明堂後每修封其贊饗曰天增
授皇帝泰元神策周而復始皇帝敬拜泰一十二月甲午朔
上親禪高里山名在泰山下祠后土臨勃海望祀蓬萊還受計於甘
泉三年春正月行東巡海上夏四月還修封泰山禮石閭初
公玉帶曰黃帝時雖封泰山然風后封鉅岐伯令黃帝封東

泰山禪凡山合符然後不死天子既令設祠具至東泰山東
泰山卑小不稱其聲廼令祠官禮之而不封焉其後令帶奉
祠後神物復還泰山修五年之禮如前而加禪祠石閭石閭
者在泰山下陟南方方士言仙人間也故上親禪焉天漢三
年春三月行幸泰山修封祀明堂因受計太始四年春三月
行幸泰山甲申修封丙戌禮石閭征和四年春正月行幸東
萊三月還幸泰山修封泰山五年一修封帝凡五修封癸巳禮石閭祀明堂
罷方士侯神人者上至是乃言曰朕即位以來所為狂悖使
天下愁苦不可追悔自今事有傷害百姓
糜費天下者悉罷之田千秋曰方士言神仙者甚衆而無顯
功請皆罷斥遣之上是其言悉罷諸方士侯神人者是後上
每對羣臣自歎向時愚惑為方士所欺天下豈
有仙人盡妖妄耳節食服藥差可少病而已

附司馬相如封禪書其辭曰伊上古之初肇自顛穹生民歷
 選列辟以迄乎秦率邇者踵武逖聽者風聲紛輪歲稔湮滅
 而不稱者不可勝數也繼韶夏崇號謚略可道者七十有二
 君罔若淑而不昌疇逆失而能存軒轅之前遐哉邈乎其詳
 不可得聞已五三六經載籍之傳維風可觀也書曰元首明
 哉股肱良哉因斯以談君莫盛於堯臣莫賢於后稷后稷創
 業於唐堯公劉發迹於西戎文王改制爰周邠隆大行越成
 而後陵遲衰微千載亡聲豈不善始善終哉然無異端慎所
 由於前謹遺教於後耳故軌迹夷易易遵也湛恩龐洪易豐
 也憲度著明易則也垂統理順易繼也是以業隆於禩保而
 崇冠乎二后揆厥所元終都攸卒未有殊尤絕迹可考於今
 者也然猶躡梁甫登泰山建顯號施尊名大漢之德逢涌原
 泉沕瀾曼羨旁魄四塞雲布霧散上暢九垓下沂八埏懷生
 之類沾濡浸潤協氣橫流武節焱逝邇陞游原遐潤涿沫首
 惡鬱沒閭昧昭晰昆蟲闔惺回首面內然後囿駟虞之珍群
 徼麋鹿之怪獸導一莖六穗於庖犧雙觥共抵之獸獲周餘
 珍放龜於岐招翠黃乘龍於沼鬼神接靈囿賓於閒館奇物
 譎詭俶儻窮變欽哉符瑞臻茲猶以為德薄不敢道封禪蓋
 周躍魚隕杭休之以燎微夫斯之為符也以登介邱不亦慙
 乎進攘之道何其爽與於是大司馬進曰陛下仁育羣生義

征不諱諸夏樂貢百蠻執贄德侔往初功無與二休烈浹洽
 符瑞眾變期應紹至不特創見意者泰山梁父設壇塲望幸
 蓋號以況榮上帝垂恩儲祉將以慶成陛下謙讓而弗發也
 挈三神之歡缺王道之儀羣臣慙焉或謂且天為質闇示珍
 符固不可辭若然辭之是泰山靡記而梁甫罔幾也亦各並
 時而榮咸濟厥世而屈說者尙何稱於後而云七十二君哉
 夫修德以錫符奉符以行事不為進越也故聖王弗替而修
 禮地祇謁款天神勒功中岳以章至尊舒盛德發號榮受厚
 福以浸黎民皇皇哉斯事天下之壯觀王者之卒業不可貶
 也願陛下全之而後因雜縉紳先生之略術使獲耀日月之
 末光絕炎以展采錯事猶兼正列其義被飾厥文作春秋一
 藝將襲舊六為七摠之無窮俾萬世得激清流揚微波蜚英
 聲騰茂實前聖之所以永保鴻名而常為稱首者用此宜命
 掌故悉奏其儀而覽焉於是天子俛然改容曰俞乎朕其試
 哉乃遷思回慮總公卿之議詢封禪之事詩大澤之博廣符
 瑞之富遂作頌曰自我天覆雲之油油甘露時雨厥壤可游
 滋液滲漉何生不育嘉穀六穗我穡曷蓄匪唯雨之又潤澤
 之匪唯徧之我汎布濩之萬物熙熙懷而慕思各山顯位望
 君之來君兮君兮君兮侯不邁哉般般之獸樂我君圃白質黑章
 其儀可嘉收收穆穆君子之態蓋聞其聲今親其來厥塗靡

從天瑞之徵茲爾於舜虞氏以興濯濯之麟游彼靈時孟冬十月君祖郊祀馳我君與帝用享社三代之前蓋未嘗有宛宛黃龍興德而升采色炫耀煥炳輝煌正陽顯見覺寤黎烝於傳載之云受命所乘厥之有章不必諄諄依類託寓諭以封巒披執觀之天人之際已交上下相發允荅聖王之德兢兢翼翼故曰於興必慮衰安必思危是以湯武至尊嚴不失肅祇舜在假典顧省闕遺此之謂也
一本奉符作奉命茲爾作咨爾炫耀作元耀

後漢光武帝建武三十年二月群臣上言卽位三十年宜封

禪泰山東觀書載太尉趙熹上言曰自古帝王每世之隆未嘗不封禪陛下聖德洋溢順天行誅撥亂中興作民

父母修復宗廟救萬姓命黎庶賴福海內清平功成治定群司禮官咸以爲宜登封告成爲民報德百王所同當仁不讓宜登封岱宗正三雍之禮以明靈契望秩羣神以承天心也詔書曰卽位三十年百姓怨

氣滿腹吾誰欺欺天平會謂泰山不如林放何事汙七十二

代之編錄桓公欲封管仲非之若郡縣遠遣吏上壽盛稱虛

美必髡兼令屯田從此羣臣不敢復言三月上幸魯漢祀令曰天子

行有所之出河沈用白馬珪璧各一衣以繒緹五尺祀用脯二束酒六升鹽一升涉渭灞涇雒各名水如此者沈珪璧各

一律在所給祠具及行沈祠佗川水先驅投石少府給珪璧不滿百里者不沈過泰山告太守以上

過故承詔祭山及梁父風俗通曰博縣十月祀岱宗名曰合凍十二月涸凍正月解凍太守察齋

親自執事作脯廣一尺長五寸既祀訖取泰山君夫人座前脯二十胸太守拜章縣次驛馬傳送雒陽三十二

年正月上齋夜讀河圖會昌符曰赤劉之九會命岱宗不慎

克用何益於承誠善用之姦僞不萌感此文乃詔虎賁中郎

將梁松等復案索河雒讖文言九世封禪者凡三十六事東觀

書曰羣臣奏言登封告成爲民報德百王所同陛下輒拒絕不許臣下不敢頌功述德業河雒讖書赤漢九世當巡封泰山凡三十六事傳奏左帷陛下遂以仲月令長遵岱嶽之正禮奉圖雒之明文以和靈瑞以爲兆民上曰至泰山乃復議

國家德薄災異仍於是張純等復奏請封禪上乃許焉詔有至圖識蓋如此

司求元封故事議封禪所施用有司奏當用方石再累置壇中皆方五尺厚一尺用玉牒書藏方石牒厚五寸長尺三寸廣五寸有玉檢又用石檢十枚列於石傍東西各三南北各二皆長三尺廣一尺厚七寸檢中刻三處深四寸方五寸有蓋檢用金縷五周以水銀和金以爲泥玉璽一方寸二分一枚方五寸方石四角又有距石皆再累枚長一丈厚一尺廣二尺皆在圓壇上其下用距石十八枚皆高三尺厚一尺廣二尺如小碑環壇立之去壇三步距石下皆有石跗入地四尺又用石碑高九尺廣三尺五寸厚尺二寸立壇丙地去壇

三丈以上以刻書上以用石功難又欲及二月封故詔松欲因故封石空檢更加封而已松上疏爭之以爲登封之禮告功皇天垂後無窮以爲萬民也承天之敬尤宜章明奉圖書之瑞尤宜顯著今因舊封竄寄玉牒故石下恐非重命之義受命中興宜當特異以明天意遂使泰山郡及魯趣石工宜取完青石無必五色時以印工不能刻玉牒欲用丹漆書之會求得能刻玉者遂書書秘刻方石中命容玉牒二月上至

奉高

應劭漢官儀馬第伯封禪記曰車駕正月二十八日發

維陽宮二月九日到魯遣守謁者郭堅伯將徒五百人治泰山道十日魯遣宗室諸劉及孔氏瑕邱丁氏上壽受賜皆詣孔氏宅賜酒肉十一日發十二日宿奉高是日遣虎賁郎將先上山三案行還益治道徒千人十五日始齋國家居太守府舍諸王居府中諸侯在縣庭中齋諸卿校尉將軍大

夫黃門郎百官及宋公衛公褒成侯東方諸侯雜中小侯齋城外汶水上太尉太常齋山虞馬第伯白云某等七十人先之山虞觀祭山壇及故明堂宮郎官等郊肆處入其幕府觀治石石二枚狀博平圓九尺此壇上石也其一石武帝時石也時用五車不能上也因置山下為屋號五車石四維距石長丈二廣二尺厚尺半所四枚檢石長三尺廣六尺狀如封篋長檢十枚一紀號石高丈二尺廣三尺厚尺二寸名曰立石一枚刻文字紀功德是朝上山騎行往往道峻峭不騎步牽馬乍步乍騎且相半至中觀留馬去平地二十里南向極望無不觀仰望天關如從谷底仰觀抗峯其為高也如視浮雲其峻也石壁窅窅如無道徑遙望其人端如行朽兀或為白石或雪外之白者移過樹乃知是人也殊不可上四布僵臥石上有頤復蘇亦賴齋酒脯處處有泉水日輒為之明復勉強相將行到天關自以已至也問道中人言尚十餘里其道旁山脅大者廣八九尺狹者五六尺仰視巖石松樹鬱鬱蒼蒼若在雲中俛視谿谷碌碌不可見丈尺遂至天門之下仰視天門窅遼如從穴中視天直上七里賴其羊腸逶迤名曰環道往往有繩索可得而登也兩從者扶挾前人相牽後人見前人履底前人見後人頂如畫重累人矣所謂磨胸擗石捫天之難也初上此道行十餘步一休稍疲咽唇焦五六

步一休牒牒攬頓地不避濕闇前有燥地目視而兩脚不隨早食上脯後到天門郭使者得銅物銅物形狀如鐘又方柄有孔莫能識疑封禪具也得之者汝南召陸人姓楊名通東上一里餘得木甲木甲者武帝時神也東北百餘步得封所始皇立石及闕在南方漢武在其北二十餘步得北垂圓臺高九尺方圓三丈所有兩陛人不得從上從東陞上臺上有壇方一丈二尺所上有方石四維有距石四面有闕鄉壇再拜謁人多置錢物壇上亦不掃除國家上見之則詔書所謂酢梨酸棗狼籍散錢處數百幣帛具道是武帝封禪至泰山下未及上百官為先上跪拜置梨棗錢於道以求福即此也東山名曰日觀日觀者鷄一鳴時見日始欲出長二丈所秦觀者望見長安吳觀者望見會稽周觀者望見齊西北有石室壇以南有玉盤中有玉龜山南脅神泉飲之極清美利人日入下去行數環日暮時頗雨不見其道一人居其前先知踏有人乃舉足隨之止遣侍御史與蘭臺令史將工先上山至天門下夜人定矣刻石文曰維建武三十有二年二月皇帝東巡狩至於岱宗柴望秩於山川班於羣神遂覲東后從臣太尉憲行司徒事

特進高密侯禹等漢賓二王之後在位孔子之後褒成侯序
在東后蕃王十二咸來助祭河圖赤伏符曰劉秀發兵捕不
道四夷雲集龍鬪野四七之際火爲主河圖會昌符曰赤帝
九世巡省得中治平則封誠合帝道孔矩則天文靈出地祇
瑞興帝劉之九會命岱宗誠善用之姦僞不萌赤漢德興九
世會昌巡岱皆當天地扶九崇經之常漢大興之道在九世
之王封於泰山刻石著紀禪於梁父退省考五河圖合古篇
曰帝劉之秀九名之世帝行德封刻政河圖提劉子曰九世
之帝方明聖持衡拒九州平天下子雒書甄曜度曰赤三德
昌九世會修符合帝際勉封刻孝經鉤命決曰予誰行赤劉
用帝三建孝九會修專茲竭行封岱清河雒命后經讖所傳
昔在帝堯聰明密微讓與舜庶後裔握機王莽以舅后之家
三司鼎足冢宰之權勢依託周公霍光輔幼歸政之義遂以
篡叛僭號自立宗廟隳壞社稷喪亡不得血食十有八年揚
徐青三州首亂兵革橫行延及荊州豪傑并兼百里屯聚往
往僭號北夷作寇千里無煙無鷄鳴犬吠之聲皇天蹙顧皇
帝以匹庶受命中興年二十八載興兵起是以中次誅討十
有餘年罪人斯得黎庶得居爾田安爾宅書同文車同軌人
同倫舟輿所通人迹所至靡不貢職建明堂立辟雍起靈臺
設庠序同律度量衡修五禮五玉三帛二牲一死贊吏各修

職復於舊典在位三十有二年年六十二乾乾日昃不敢荒
 寧涉危歷險親巡黎元恭肅神祇惠恤耆老理庶遵古聰允
 明恕皇帝唯慎河圖維書正文是月辛卯柴登封泰山甲午
 禪於梁陰以承靈瑞以為兆民永茲一字垂於後昆百僚從
 臣郡守師尹咸蒙祉福永永無極封禪儀曰車駕十九日之
 山虞國家居亭百官布野
 此日山上雲氣成宮闕百官並見之二十一日夕牲時白氣
 廣一丈東南極望致濃厚時天清和無雲瑞命篇岱嶽之瑞
 以日為應也 二十二日辛卯晨燎祭天於泰山下南方羣神皆從
 用樂如南郊封禪儀曰晨祭也日高二
 丈所燔燎燔燎州正北也 諸王王者後二公孔
 子後褒成君皆助祭位事也封禪儀曰百官各以次上郡儲
 於寶周禮注曰對舉曰輦 事畢將升封或曰泰山雖已從
 夫百官皆步上少用輦輦者

食於柴祭今親升告功宜有禮祭於是使謁者以一特牲於

常祠泰山處告祠泰山如親耕軀劉先祠先農先虞故事至

食時御輦升山封禪儀曰國家御首輦人輓
 升山至中觀休須臾復上 日中後到山上

更衣封禪儀曰須臾
 羣臣畢就位 早晡時即位於壇北面羣臣以次陳後

西上畢位升壇封禪儀曰國家臺上
 北面虎賁陛戟臺下 尚書令奉玉牒檢皇帝

以寸二分璽親封之訖太常命人發壇上石封禪儀曰騶騎
 二千餘人發壇

上方 尚書令藏玉牒已復石覆訖尚書令以五寸印封石檢

封禪儀曰以金為繩以石三檢東方西方各三 事畢皇帝再

拜羣臣稱萬歲封禪儀曰稱萬歲音動山谷有氣屬天
 遙望不見山巔山巔人在氣中不知也 命人

立所刻石碑乃復道下封禪儀曰封畢有頃詔百官以次下
 國家隨後數百人維持行相逢推百

官連延二十餘里道多迫小深谿高岸數百丈步從匍匐邪
 上起近炬火止亦駱驛步從觸擊大石石聲正謹但謹石見
 相應和者腸不能已口不能默夜半後到百官明日乃訖其
 中老者氣劣不能行臥巖石下明日早太醫令復遵問起居
 國家云昨上下山欲行迫前欲休則後人所蹈道峻危險恐
 不能度國家不勞百官以下露臥水飲無一人蹉跌無一人
 疾病豈非天邪泰山率多暴雨如今上直下柴祭封登清晏
 溫和平明日上壽賜百官省事畢發暮宿奉高三十里明日
 發至梁甫九 二十五日甲午禪祭地於梁陰以高后配山川
 十里夕牲

羣臣從如元始中北郊故事

封禪儀曰功效如彼天應如此羣臣上壽國家不聽

已卯大赦天下以建武三十二年為建武中元元年復博奉

高羸勿出元年租芻橐以吉日刻玉牒書函藏金匱璽印封

之乙酉使太尉行事以特告至高廟太尉奉匱以告高廟藏

於廟室西壁石室高主室之下

袁宏曰夫天地者萬物之官府山川者雲雨之邱墟萬物

生遂則宮府之功大雲雨施潤則邱墟之德厚故化洽天下
 則功配於天地澤流一國則德合於山川是以王者經畧必
 以天地為本諸侯述職必以山川為主體而象之取其陶育
 禮而告之歸其宗本書曰東巡狩至於岱宗柴傳曰郊祀后
 稷以祈農事夫巡狩觀化之常事祈農撫民之定業猶縈誠
 殷荐以告昊天况創制改物神人易聽者乎夫揖讓受終必
 有至德於天下征伐革命則有大功於萬物是故王者初基
 則有封禪之事蓋以其成功告於神明者也夫東方者萬物
 之所始山嶽者靈氣之所宅故求之物本必於其始取其所
 通必於所宅崇其壇場則謂之封明其代與則謂之禪然則
 封禪者王者開務之大體也德不周洽不得輒議斯事功不
 弘濟不得髣髴斯禮曠代一有其道至高故自黃帝堯舜至
 三代各一得封禪未有中修其禮者也雖繼職之君時有功
 德此蓋率復舊業增修其前政不得仰齊造國同符改物者
 也夫神道貞一其用不煩天地易簡其禮尚質故藉用白茅
 貴其誠素器用陶匏取其易從然封禪之禮簡易可也若夫
 金函玉牒非天地之性也 唐書禮樂志文中子曰封禪非
 古也其秦漢之侈心乎蓋其曠世不舉行而於禮無所本故
 自漢以來學者議論不同而至於不能決則出於時君率意
 而行之爾 明馬端臨曰秦皇漢武之封禪也皆黠當時諸



儒之議而自定其禮儀攷史氏所載則秦之諸儒進蒲車掃地之說漢之諸儒有拘於詩書古文而不敢騁之說以此拂二帝之意而不見錄然封禪非古禮也切詳諸儒之意蓋欲以古帝王巡狩望祀之禮而緣飾之然古帝王之事省方問俗賞善罰惡凡以爲民其意出於公也秦漢二主之事則誇誦功德希求福壽凡以爲己其意出於私也迹其舉措正自冰炭則又安能考詩書之說行簡質之禮乎固宜其見黜也

魏明帝黃初中護軍蔣濟奏曰夫帝王大禮巡狩爲先昭祖揚禰封禪爲首是以自古革命受符未有不蹈梁父登泰山刊無竟之名紀天人之際者也故司馬相如謂有文以來七十二君或順所繇於前謹遺教於後太史公曰主上有聖名而不宣布有司之過也然則元公懿德不刊山梁之石無以顯帝王之功示生民不朽之觀也今大魏振百王之弊亂極

流遁之艱危接千載之衰緒繼百世之廢業自武文至於聖躬所以參成天地之道網維神人之化上天報應嘉瑞顯祥以比往古其優衍豐隆無所取喻至於歷世迄今未發大禮此儀久廢非倉卒可定宜下公卿廣纂其禮卜年考時昭告上帝以副天下之望詔曰聞蔣濟斯言使吾汗出流足自開闢以來封禪者七十餘君爾故太史公曰雖有受命之君而功有不洽是以中間曠遠者千有餘年近者數百載其儀闕不可得祀吾何德之修敢庶茲乎濟豈謂世無管仲以吾有桓公登泰山之志乎吾不敢欺天也濟之所言華則華矣非助我者也公卿侍中尙書常侍省之而已勿復有所議亦不

須荅詔也

時雖拒濟議實使高堂隆草封禪儀以天下未一不欲便行大禮會隆卒不復行之

〔晉〕武帝太康元年三月壬申伐吳克之九月庚寅尙書令衛瓘左僕射山濤等以天下一統奏請封禪曰臣聞肇自生民則有帝辟載祀之數莫之能紀立德濟世揮揚仁風以登封泰山者七十有四家其謚號可知者十有四焉大晉之德始自重黎實佐顓頊至於夏商世序天地其在於周不失其序金德將升世濟明聖外平蜀漢海內歸心武功之盛實由文德至於陛下受命踐祚弘建大業羣生仰毓維獨江湖沅湘之表負固不賓神謀獨斷命將出討兵威慙加數旬盪定聲教所被達於四極若夫元石素文底號載前象以姓表言以事告河圖洛書之徵不是過也宜宣大典禮中嶽封泰山禪梁父發德號明至尊享天休篤黎庶斯帝王之盛業天人之至望也詔曰今逋寇雖殄外則障塞有警內則百姓未康此盛德之事所未議也瓘等又曰臣等前奏蓋陳祖考之功天命又應陛下之德合同四海述古考今宜循此禮至於尅定歲月須五府上議然後奏聞請下議詔曰雖蕩清江表皆臨事者之勞何足以告成功望羣后思隆大化以寧區夏百姓獲又與之休息斯朕日夜之望無所復下諸府矣勿復爲煩瓘等再奏卒弗許

〔梁〕武帝天監八年時有請封禪者帝命草封禪儀欲行之著

作佐郎許懋建議曰舜柴岱宗是爲巡狩而鄭康成引孝經
鉤命決云封於泰山考績燔燎禪於梁父刻石紀號此緯書
之曲說非正經之通議也如管夷吾所說七十二君燧人之
前世質民淳安得泥金檢玉結繩而治安得鐫文告成妄亦
甚矣若聖主不須封禪若凡主不應封禪秦始皇嘗封泰山
孫皓嘗封國山皆由主好名於上而臣阿旨於下非盛德之
事不足爲法也上嘉納之

時請封會稽禪國山附採於此

〔北齊〕文宣帝天保五年正月制詔問升中紀號秀州長史樊
孝謙對曰臣聞巡岳之禮勒在虞書省方之義著於易象往
帝前王匪維一姓封金刻玉億有餘人仲尼之觀梁父不能


盡識夷吾之對齊桓所存未幾然盛德之事必待太平苟非
其人更貽靈譴秦皇無道致風雨之災漢武奢淫有奉車之
害及文叔受命炎精更輝四海安流天下輯睦劔賜騎士馬
駕鼓車乃用張純之文始從伯陽之說至於魏晉雖各有君
量德而處莫能擬議蔣濟上言於前徒穢紙墨袁準發論於
後終未施行世歷三朝年將十祀啟聖之期茲爲昌會然自
水德不競函谷封塗天馬息歌苞茅絕貢陛下以神武之資
按此六軍未申九伐馬兒不死子陽尙在便欲案明堂之圖
草射牛之禮比德論功多慙往列升中告禪臣用自疑

〔隋〕文帝開皇九年平陳朝野皆請封禪詔曰豈可命一將軍

除一小國遐邇注意便謂太平以薄德而封各山用虛言而干上帝非朕攸聞今後言及封禪宜卽禁絕十四年晉王廣帥百官抗表固請封禪帝令牛弘等制定儀注旣成帝視之曰茲事體大朕何德以堪之但當東巡因致祭泰山耳唐太宗貞觀六年羣臣請封禪不許初羣臣表請上口卿輩皆以封禪爲帝王盛事朕意不然若天下又安家給人足雖不封禪庸何傷乎昔秦始皇封禪而漢文帝不封禪後世豈以文帝不及始皇耶且事天掃地而祭何必登泰山之巔封數尺之土然後可以展其誠敬乎羣臣請不已上亦欲從之惟魏徵獨以爲不可曰帝王在德不在封禪上曰朕欲卿直言之勿有所隱朕功不高耶德未厚耶華夏未理耶遠夷不慕義耶嘉瑞不至耶年穀不登耶對曰陛下功高矣人未懷惠德厚矣澤未旁流華夏安矣未足以供事遠夷慕矣無以供其求符瑞雖臻而尉羅猶密積歲農稔而倉廩尙虛此臣所以竊爲未可且陛下東封萬國咸萃要荒之外莫不奔馳今自伊洛之東暨乎海岱藿莽巨澤茫茫千里人烟斷絕雞犬不聞道路蕭條進退艱阻寧可引彼戎狄示以虛弱竭財以賞未厭遠人之望加年給復不償百姓之勞或遇水旱之灾風雨之變庸夫邪議悔不可追豈獨臣之誠懇亦有輿人之論帝稱善乃止八年遣中書侍郎杜正倫行泰山上七十

二君壇迹以是歲兩河大水而止其後羣臣言封禪者多十一年復命秘書少監顏師古諫議大夫朱子奢等集當時名儒博士襍議不能決於是左僕射房元齡特進魏徵中書令楊師道博採眾議奏上之其議曰為壇於秦山下祀昊天上帝壇之廣十二丈高丈二尺玉牒長一尺三寸廣厚五寸玉檢如之厚減三寸其印齒加璽纏以金繩五周玉策四皆長一尺三寸廣寸五分厚五分每策皆五簡聯以金昊天上帝配以太祖皇地祇配以高祖已祀而歸格於廟盛以金匱匱高六寸廣足容之制如表函纏以金繩封以金泥印以受命之璽而玉牒藏於山上以方石三枚為再累纏以金繩封以

石泥印以受命之璽其山上之園臺土以五色高九尺廣五丈四面為一階天子升自南階而封玉牒已封而加以土築為封高一丈二尺廣二丈其禪社首亦如之其石檢封以受命璽而玉檢別製璽方一寸二分文如受命璽以石距非經不用又為告至壇方八十一尺高三尺四出陛以燔柴告至望秩羣神遂著於禮其它降禪朝覲皆不著十五年四月辛卯詔以來歲二月有事於泰山六月巳酉有星孛於太微丙辰停封泰山二十一年春詔以來年仲春有事於泰山秋八月詔停封禪以薛延陀新降土功屢興河北水災故也高宗顯慶四年夏六月詔許敬宗議封禪儀敬宗請以高祖



太宗俱配上帝太穆文德二后並祀地祇從之 麟德元年
詔以三年正月封禪 二年冬十月車駕發東都十二月至
泰山時皇后表稱封禪祭皇地祇太后昭配而令公卿行事
禮有未安請率內外命婦奠獻詔禪社首以皇后爲亞獻越
國太妃燕氏爲終獻廢藁秸陶匏用茵褥壘爵文舞用功成
慶善之樂武舞用神功破陳之樂 乾封元年正月封於泰
山庚午禪於社首壬申大赦改元文武官階勲爵民年八十
以上版授下州刺史司馬縣令婦人郡縣君七十以上至八
十賜官爵一級民酺七日女子百戶牛酒免所過今年租賦
給復齊州一年半兗州二年初議儀注封泰山爲圓壇山南

四里如圓壇三壇壇上飾以青四方如其色號封祀壇玉策
三以玉爲簡長一尺二寸廣一寸二分厚三分刻而金文玉
匱一長一尺三寸以藏上帝之冊金匱三以藏配帝之冊纏
以金繩五周金泥玉璽璽方一寸二分文如受命璽石碱以
方石再累皆方五尺厚一尺刻方其中以容玉匱碱旁施檢
刻深三寸三分闊一尺當繩刻深三分闊一寸五分石檢十
枚以檢石碱皆長三尺闊一尺厚七分印齒三道皆深四寸
當璽方五寸當繩闊一寸五分檢立於碱旁南方北方皆三
東方西方皆二去碱隅皆一尺碱纏以金繩五周封以石泥
距石十二分距碱隅皆再累皆闊二尺長一丈斜刻其首令

與碱隅相應又爲壇於山上廣五丈高九尺四出陛一壇號登封壇玉牒玉檢石碱石距玉匱石檢皆如之爲降禪壇於社首山上八隅一成八陛如方丘三壇上飾以黃四方如其色其餘皆如登封其議畧定而天子詔曰古今之制文質不同今封禪以玉牒金繩而瓦尊匏爵秸席宜改從文於是昊天上帝禱以蒼地祇禱以黃配禱皆以紫而尊爵亦更焉是歲正月天子祀昊天上帝於山下之封祀壇以高祖太宗配如圜丘之禮親封玉冊置石碱聚五色土封之徑一丈二尺高尺已事升山明日又封玉冊於登封壇又明日祀皇地祇於社首山之降禪壇如方丘之禮以太穆皇后文德皇后配而以皇后武氏爲亞獻越國太妃燕氏爲終獻又明日御朝觀壇以朝羣臣如元日之禮乃詔立登封降禪朝觀之碑名封祀壇曰舞鶴臺登封壇曰萬歲臺降禪壇曰景雲臺以紀瑞焉

玉牒文

有唐嗣天子臣某敢昭告於昊天上帝有隋運屬顛危數窮否塞生靈塗炭鼎祚淪亡高祖仗黃鉞而救黎元賜元圭而拯沉溺太宗功宏鍊石定區宇於再麾業壯斷鼇飲滄海而一息臣奉餘緒恭承積慶遂得崑山寢燎炎海澄波雖乃業茂宗祧斯實降靈穹昊今謹告成東岳歸功上元大寶先隆

鴻基永固疑薰萬姓陶化八紘

附駱賓王為齊州父老請陪封禪文

圓天列象紫宮通北極之尊大帝疑圖元猷暢東巡之禮是知光隆先澤既輯玉於雲臺業紹禪宗必塗金於日觀伏惟皇上乘乾握紀纂三統之重光御極登樞應千靈之累聖故得河浮五老啓赤文於帝期海薦四神奉丹書於王會瑞開三脊祥洽五雲既而輯總章之舊文紹辟雍之故事非烟翼戟移玉輦於梁陰若月承輪秘金繩於岱巖臣等質均芻狗陰謝桑榆幸屬堯鏡多輝昭餘光於連石軒圖廣運追盛禮於擬金然而鄒魯舊邦臨淄遺俗俱沐二周之化咸稱一變之封境接青疇俯瞰獲麟之野山開翠岷斜連辨馬之峯豈可使稷下遺叱頓隔陪封之禮淹中故老獨奏告成之儀是用就日披丹仰璧輪而三舍望雲紆素叫天閣於九重倘允微誠許陪大禮則夢瓊餘息翫仙閣以相歡就木殘魂遊岱宗而載躍

元宗開元十二年冬十一月羣臣請封禪

時張說首建封禪之議而源乾曜不

欲為之由是與說不平

十三年冬十一月庚寅封於泰山辛卯禪於社

首壬辰大赦賜文武官階勳爵致仕官一季祿公主嗣王郡

縣主一子官諸蕃酋長來會者一官免所過一歲兗州二歲

租賜天下酺七日先是十二年時四方治定歲屢豐稔羣臣

多言封禪中書令張說又固請乃下制以十三年有事泰山

於是說與右散騎常侍徐堅太常少卿韋縉秘書少監康子

元國子博士侯行果刊立儀注立園臺於山上廣五丈高九

尺土色各依其方又於園臺上起方壇廣一丈二尺高九尺

其壇臺四面為一階又積柴為燎壇於園臺之東南量地之

宜柴高一丈二尺方一丈開上南出戶六尺又為園壇於山

下三成十二階如園正之制又積柴於壇南為燎壇如山上

又爲玉冊玉匱石礎皆如高宗之制元宗初以謂升中於崇
山精享也不可誼譁欲使亞獻以下皆行禮山下壇召禮官
講議學士賀知章等言昊天上帝君也五方精帝臣也陛下
享君於上羣臣祀臣於下可謂變禮之中然禮成於三亞終
之獻不可異也於是三獻皆升山而五方帝及諸神皆祭山
下壇元宗問前世何爲秘玉牒知章曰玉牒以通意於天前
代或祈長年希神仙旨尙微密故外莫知帝曰朕今爲民祈
福無一秘請卽出玉牒以示百寮乃祀昊天上帝於山上壇
以高祖配祀五帝以下諸神於山下其祀禮皆如園止而卜
日告天及廟社大駕所經及告至問百年朝覲皆如巡狩之
禮其登山也爲大次於中道止休三刻而後升其已祭燔燎
侍中前跪稱具官臣某言請封玉冊皇帝升自南陛北向立
太尉進昊天上帝神坐前跪取玉冊置於案以進皇帝受玉
冊跪內之玉匱纏以金繩封以金泥侍中取受命寶跪以進
皇帝取寶以印玉匱侍中受寶以授符寶郎太尉進皇帝跪
捧玉匱授太尉太尉退復立太常卿前奏請再拜皇帝再拜
退入於次太尉奉玉匱之案於石礎南向立執事者發石
蓋太尉奉玉匱跪藏於石礎內執事者覆石蓋檢以石檢纏
以金繩封以石泥以玉寶徧印引降復位帥執事者以石距
封固又以五色土圍封其配座玉牒封於金匱皆如封玉匱

太尉奉金匱從降俱復位以金匱內太廟藏於高祖神堯皇帝之石室其禪於社首皆如方邱之禮

玉牒文

有唐嗣天子臣某敢昭告於昊天上帝天啓李氏運興土德高祖太宗受命立極高宗升中六合殷盛中宗紹復繼體不定上帝眷祐錫臣忠武底綏內艱推戴聖父恭承大寶十有三年敬恭天意四海宴然封祀岱岳謝成於天子孫百祿蒼生受福

唐元宗紀泰山序銘

勒石嶽頂世號磨崖碑

朕宅帝位十有四載顧惟不德憎於至道任夫難任安夫難安茲朕未知獲戾於上下心之浩蕩若涉於大川賴上帝垂休先后儲慶宰衡庶尹交脩皇極四海會同五典敷暢歲云再熟人用大和百辟僉謀倡予封禪謂孝莫大於嚴父謂禮莫尊於告天天符旣至人望其積固請不已固辭不獲予與夫二三臣稽虞典繹漢制張皇六師震疊九寓旌旅有列士馬無譁肅肅邕邕翼翼溶溶以至於岱宗頂也爾雅云泰山爲東嶽周官曰兗州之鎮山實惟天帝之孫羣靈之府其方處萬物之始故稱岱焉其位居五岳之伯故稱宗焉曰昔者受命易姓於是乎啓天地薦成功序圖錄紀氏號朕承先王茲率厥典實欲報元天之眷命爲蒼生之祈福豈敢高視萬

古自比九皇哉故設壇場於山下受羣方之助祭躬封燎於
山上冀一獻之通神斯亦因高崇天就廣增地之義也乃仲
冬庚寅有事東嶽類於昊天上帝配我高祖在天之神罔不
畢降粵翌日禫於社首侑我聖考祀於皇祇在地之神罔不
咸舉暨壬辰覲羣后上公進曰天子膺天符納介福羣臣拜
手稽首稱千萬歲慶荅歡同陳誠以德大運叶度彝倫攸敘
三事百揆時乃之功萬物由庚兆人允殖列牧衆宰時乃之
功一二兄弟篤以孝友錫類萬國時惟休哉我儒制禮我史
作樂天地擾順時惟休哉蠻夷戎狄重譯來貢累聖之化朕
何慕焉五靈百寶日來月集會昌之運朕何感焉凡今而後

儆乃在位一王度齊衆法摧舊章補缺政存簡易去煩苛思
立人極乃見天則於戲天生蒸人惟后時義能以美利利天
下事天明矣坤厚載物惟后時相能以厚生生萬人事地察
矣天地明察鬼神著矣惟我藝祖文考精爽在天其曰懿予
幼孫克享上帝時若馨香其丕乃曰會我之文武曾孫其誕
錫新命纘我舊業永保天祿子孫其承之予小子敢對揚上
帝之休命則亦與百執事尙綏兆人將多於前功而忘彼後
患一夫不獲萬方其罪予一心有終上天其知我朕惟寶行
三德曰慈儉讓慈者履無疆之吉儉者崇將來之訓自滿者
人損自謙者天益苟如此則軌迹易循基構易守磨石壁刻

金記後之人聽詞而見心觀末而知本銘曰惟天生人立君以理惟君受命奉爲天子代去不留人來無已德涼者滅道高斯起赫赫高祖明明太宗爰革隋政奄有萬邦罄天張宇盡地開封武稱有截文表時邕高宗稽古德施周溥茫茫九夷削平一鼓禮備封禪功齊舜禹巖巖岱宗衍我元神中宗紹運舊邦維新睿宗繼明天下歸仁恭已南面綢緼化醇告成之禮留諸後人緬予小子重基五聖匪功伐高匪德矜盛欽若祀典丕承永命至誠動天福我萬姓古封泰山七十二君或禪社首或禪云云其迹不見其名可聞祇適文祖光昭舊勲方士虛誕儒書齷齪佚后求仙誣神檢玉秦災風雨漢汗編錄德未合天或承之辱道在觀政名非從欲銘心絕巖播告羣岳

唐中書令張說序頌

皇唐六葉開元神武皇帝再受命致太平乃封岱宗禪社首鑿石紀號天文煥發儒臣志美立碣祠壇曰厥初生人俶有君臣其道茫昧其風朴略因時而歛起與運而紛落泯泯沒沒無聞焉爾後代聖人取法象立各位衣裳以等之甲兵以垣之於是禮樂出而書記存矣反其源致敬乎天地報其本致美乎鬼神則封禪者帝王受天命告成功之爲也閱曩聖之奧訓考列辟之通術疇若天而不成曷背道而靡失由此

山東通志 卷之十
推之封禪之義有三帝王之略有七七者何傳不云道德仁義禮智信乎順之稱聖哲逆之號狂悖三者一位當五行圖籙之序二時會四海昇平之運三德具欽明文思之美是謂與天合符名不死矣有一不足而云封禪人且未許其如天何言舊史者君莫道於陶唐虞舜臣莫德於臯陶稷禹三臣降德皆有天下仲尼敘帝王之書繫周秦之誓明魯祀周公用王禮秦承伯益接周統孔聖微旨不其効歟然秦定天下之功高享天祿之日淺天而未忘庭堅之德也故大命復集於皇家天之贊唐不惟舊哉其與之也元靈啓迪黃祇顧懷應歸運以義舉撫來蘇以利見湯也無放夏之慙武也無伐

殷之戰高祖創業四宗重允德有格天漏泉蒸雲濡露菌蠢滋育氤氳涵煦若天地之覆載日月之照臨溥有形而歸景罄無外而宅心百有八年於茲矣皇帝攘內難而啓新命戴睿宗而纘舊服宇宙更闢朝廷始位蓋羲軒氏之造皇圖也九族敦序百姓昭明萬邦咸和黎人於變立土圭以步曆草銅渾以正天蓋唐虞氏之張帝道也天地四時六官著禮井田三壤五圻成賦廣九廟以尊祖定六律以和神蓋三代之設王制也武緯之文經之聖謩之神化之然猶戰戰兢兢日慎一日納規誨以進德遂忠良以代工講習乎無爲之書討論乎集賢之殿寵勇爵貴經明翼乎鵷鸞之列在庭毅乎貔

豹之師居鄙人和旁感神寶沓至乾符坤珍千品萬類超圖
溢牒未始聞記我后以人瑞爲心不以物瑞爲意王公卿士
儼然進曰休哉陛下孝至於天政合乎道前年祈后土人獲
天穰間歲祀圓正日不掩朔感祥以祈聖因事以觀天天人
交合其則不遠意者喬邱掃路望翠華之來上帝儲恩俟蒼
璧之禮久矣焉可專讓而廢舊勛羣臣固言勤帝知罪至於
再至於三帝乃挹之曰欽崇天道俯率嘉話恐德不類敢憚
於勤其撰巡狩之儀求封禪之故旣而禮官不戒而備軍政
不謀而輯天姥練日雨師灑道六甲按隊八陣警蹕孟冬仲
旬乘輿乃出干旗雲引萬戟林行蘆蕩燦爛飛焰揚精原野

爲之震動草木爲之風生歷郡縣省謠俗問百年舉百祀興
墜典葺闕政攸徂之人室家相慶萬方縱觀千里如堵城邑
連歡正陵聚舞其中垂白之老樂過以泣不圖蒿里之魂復
見乾封之事堯雲往舜日還神華靈鬱爛燭乎穹壤之間是
月來至於岱祇祓齋宮滌濯靜室凝神元覽將款太一議夫
泰山者聖帝受天宮之宮天孫惚人靈之府自昔立國莫知
萬數克升中而建號惟七十而有五我高宗六之而今七矣
非夫尊位盛時明德曠代遼闊難并之甚哉先時將臻夫大
封也累封疆於高岡築泰壇於陽趾夫其天壇三襲辰陞十
二咸秩衆靈列坐有次崇牙樹羽管磬鏞鼓宮懸於重壝之

內干戚鉞及鈎戟戮戮周位於四門之外代國重器傳代絕
瑞旅之於中庭玉輦金轂翠冒黃屋夾之於端路庶官百辟
羌夷蠻貊褒成之後讓王之容序立於禮神之場髦頭弩牙
鐵馬金鏃介冑如雪旗幟如火遠匝於清禁之野於是乎以
天正上元法駕徐進屯千乘於平路留羣臣於谷口皇帝御
六龍陟萬仞獨與一二元老執事之人出天門臨日觀次沆
瀣宿巉巖赤霄可接白雲在下庚寅祀高祖於上封以配上
帝命衆官於下位以享衆神皇帝冕裘登壇奠獻俯僂叶金
奏修羽舞撞黃鍾歌大呂闐闐闔與天語清將信公奉斗布
度懋建皇極勤恤蒼生昭嘏乎未兆禳災乎未萌上下傳節
而禮成樂徧福壽同歸而帝賜神策乃檢玉牒於中頂揚柴
燎於高天庶忠誠之上達若憑焰而駕煙日轡方旋神心餘
眷五色雲起拂馬以隨人萬歲山呼從天而至地越翌日尊
睿宗侑地祇而禮社首遂張大樂觀東后國風惟舊無黜幽
削爵之誅王澤惟新有雋災大賚之慶不浹日至化洽於人
心不崇朝景福遍於天下然後藏金匱於祔室迴玉鸞於上
都煌煌乎真聖朝之能事而高代之盛節者也於斯之時華
戎殊俗異音同歡曰兵合多雨山峻多雲豈有大舉百萬之
師剋期千里之外及行事之日則天無點翳地無纖塵嚴冬
變爲韶景寒風鬱爲和氣非至德其孰能動天如此其順者

乎昔人云自西自東自南自北無思不服今信之聖人作而萬物觀其心服之之謂矣或曰祭泰祈主先后非禮歟曰是禮也非宜也王者父事天母事地侑神崇孝無嫌可也且夫柴瘞外事帝王主之蒸嘗內事后妃助之是開元正人倫革弊禮起百王之法也故人千載睹末光聆絕韻咀甘實漱芳潤爍元妙之至精流不已之淑聲臣說作頌告於神明四皇墳而六帝典雖吉甫亦莫能名徒採彼輿人之詩曰大矣哉維天爲大惟皇則之率我萬國受天之祺子孫百代人神共保綏之云爾而已矣

宋太宗太平興國八年六月兗州泰山父老及瑕邱等七縣民詣闕請封禪上謙讓不允雍熙元年夏四月泰山父老詣闕請封禪羣臣表請三上許之詔以十一月有事於泰山命翰林學士扈蒙等詳定儀注五月乾元文明二殿災詔求直言遂罷封禪

真宗大中祥符元年春正月乙丑有黃帛曳左承天門鴟尾上上召羣臣拜迎於朝元殿啟封號稱天書戊辰大赦改元三月甲戌兗州父老呂良等千二百八十七人及諸道貢舉之士八百四十六人詣闕陳請東封而宰臣王旦等又率百官諸軍將校州縣官吏蕃夷僧道父老二萬四千三百七十八人五上表請始詔今年十月有事於泰山遣官告天地宗廟

社稷太一宮及在京祠廟嶽瀆命翰林太常禮院詳定儀注
知樞密院王欽若叅知政事趙安仁爲封禪經度制置使竝
判兗州三司使丁謂計度糧草引進使曹利用宣政使李神
福修行宮道路皇城使劉承珪等計度發運詔禁緣路採捕
及車騎蹂踐田稼以行宮側官舍佛寺爲百官宿頓之所調
兗鄆兵兗山下丁役行宮除前後殿外竝張幕爲屋覆以油
吧仍增自京至泰山驛馬令三司浚汴蔡御河入廣濟河運
儀仗什物起兗州發上供木由黃河浮筏至鄆州給置頓費
用省輦送之役以王旦爲大禮使王欽若爲禮儀使叅知政
事馮拯爲儀仗使知樞密院陳堯叟爲鹵簿使趙安仁爲橋

道頓遞使仍鑄五使印及經度制置使印給之五月壬戌王
欽若言泰山醴泉出六月乙未天書再降於泰山醴泉北壬
寅迎泰山天書於食芳園九月遣使詣岳州采三脊茅三十
束有老人黃皓識之補州助教賜以束帛初太平興國中有
得唐元宗社首玉冊蒼壁至是令瘞於舊所其前代封禪壇
址摧圯者命修完之山上置圓臺徑五丈高九尺四陛上飾
以青四面如其方色一壝廣一丈圍以青繩三周燎臺在其
東南高丈二尺方一丈開上南出戶方六尺山下封祀壇四
成十二陛如園坵制上飾以青四面如其方色外爲三壝燎
壇如山上壇制社首壇八角三成每等高四尺上闊十六步

八陛上等廣八尺中等廣一丈下等廣一丈二尺三墳四門
 如方正制又為瘞瘠于壬地外墳之內以玉為五牒牒各長
 尺二寸廣五寸厚一寸刻字而填以金聯以金繩絨以玉匱
 置石碱中金藤難用以金塗繩代之正坐配坐用玉冊六副每簡長一尺
 二寸廣一寸二分厚三分簡數量文多少匱長一尺三寸檢
 長如匱厚二寸闊五寸纏金繩五周當纏繩處刻為五道而
 封以金泥泥和金粉乳香為之印以受命寶封匱當寶處刻深二分用
 石碱藏之其碱用石再累各方五尺厚一尺鑿中廣深各容
 玉匱碱旁施檢處皆刻深七寸濶一尺南北各二東西各二
 去隅皆七寸纏繩處皆刻三道廣一寸五分深三分為石檢

